



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
OPĆINA CENTAR SARAJEVO  
OPĆINSKI NAČELNIK

Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), člana 25. Statuta Općine Centar Sarajevo, Strategije razvoja Općine Centar Sarajevo za period 2016.-2022. godine, Odluke o izvršavanju Budžeta Općine Centar Sarajevo za 2020. godinu (Službene novine Kantona Sarajevo, br. 52/19), Izmjene i dopune Odluke o izvršavanju Budžeta Općine Centar Sarajevo za 2020. Godinu (br. 01-11-2366/20 od 11.05.2020. godine) i Pravilnika o uslovima i načinu dodjele bespovratnih finansijskih sredstava namijenjenih podršci fizičkim licima koji obavljaju obrtničke djelatnosti na području Općine Centar Sarajevo, a pogođeni su mjerama i odlukama za ublažavanje posljedica izazvanih pojavom COVID-19 virusa (br. 04-11-2331/20 od 12.05.2020.godine), Općinski načelnik o b j a v l j u j e:

#### **JAVNI POZIV**

**za dodjelu bespovratnih finansijskih sredstava namijenjenih podršci fizičkim licima koji obavljaju obrtničke djelatnosti na području Općine Centar Sarajevo, a pogođeni su mjerama i odlukama za ublažavanje posljedica izazvanih pojavom COVID-19 virusa**

#### **I PREDMET POZIVA**

Predmet Javnog poziva je prikupljanje zahtjeva i finansijska podrška fizičkim licima koji obavljaju obrtničke djelatnosti na području Općine Centar Sarajevo, a pogođeni su mjerama i odlukama za ublažavanje posljedica izazvanih pojavom COVID-19 virusa. Finansijska sredstva će biti dodijeljena u skladu sa raspoloživim sredstvima Budžeta Općine Centar Sarajevo, u maksimalnom iznosu do 2.500,00 KM po prijavi.

#### **II CILJ POZIVA I NAMJENA SREDSTAVA**

Cilj Javnog poziva je realizacija mjera finansijske podrške fizičkim licima koji obavljaju obrtničke djelatnosti na području Općine Centar Sarajevo, a pogođeni su mjerama i odlukama za ublažavanje posljedica izazvanih pojavom COVID-19 virusa. Bespovratna finansijska sredstva, predviđena Javnim pozivom, namijenjena su za:

- a) ublažavanje ekonomskih posljedica i likvidnosti obrtničkih djelatnosti, prouzrokovanih pandemijom virusa COVID-19;
- b) nabavku alata, opreme i repromaterijala;
- c) unapređenje promocije proizvoda i usluga;
- d) druge aktivnosti vezane za održivost i razvoj djelatnosti.

### III PRAVO UČEŠĆA I KRITERIJI

**(1) Javni poziv će sadržavati 2 (dva) odvojena LOT-a po vrstama djelatnosti i to kako slijedi:**

- **LOT 1:** Javni poziv za fizička lica koja obavljaju djelatnost obrta
- **LOT 2:** Javni poziv za fizička lica koja obavljaju djelatnost starih i tradicionalnih zanata propisanih „Uredbom o zaštiti tradicionalnih i starih zanata“ (“Službene novine Federacije BiH”, broj 66/09 i 16/12)

**(2) Opšti kriteriji**

- a) da je obrtnička djelatnost registrovana na području općine Centar Sarajevo;
- b) da se obrtnička djelatnost obavlja kao osnovno zanimanje;
- c) da je obrtničkoj djelatnosti obustavljen rad za vrijeme trajanja stanja nesreće, na osnovu mjera i odluka za ublažavanje posljedica izazvanih pojavom virusa COVID-19.

**(3) Posebni kriteriji**

Kriteriji za bodovanje		Način raspodjele bodova		max bodova
1.	Namjena ulaganja sredstava*	Zaposlenje novih uposlenika	20	20
		Nabavka alata, repromaterijala, promocija djelatnosti, proizvoda i usluga	15	
		Plaćanje režijskih troškova (zakup poslovnog prostora, tekući računi)	10	
		Plaćanje ostalih dospjelih obaveza i drugih aktivnosti za razvoj obrta	5	
2.	Održana zaposlenost u periodu od 01.03. do 31.05.2020.godine	Obrtnik nije smanjivao radnu snagu	15	15
		Obrtnik nije imao zaposlenih osoba	5	
		Obrtnik je smanjio broj zaposlenih	0	
3.	Broj zaposlenih	3 i više zaposlenih	15	15
		2 zaposlena	10	
		jedan zaposleni	5	
4.	Dužina poslovanja obrta	Više od 10 godina	10	10
		Od 5-10 godina	8	
		Od 3-5	5	
		Od 1-3	3	
		Manje od 1 godine	1	

*\*Broj bodova po kriteriju se ne zbraja već se vrednuje najveća vrijednost*

Bodovi po osnovu posebnih kriterija se zbrajaju i maksimalan broj bodova iznosi 60.

#### IV SADRŽAJ POTREBNE DOKUMENTACIJE

Uz popunjen prijavni obrazac po Javnom pozivu, obavezno je priložiti sljedeću dokumentaciju (original ili ovjerenu fotokopiju, ne stariju od šest (6) mjeseci):

- a) Rješenje o osnivanju obrtničke djelatnosti, kao osnovno zanimanje, sa upisanom djelatnošću i nazivom zanimanja – fotokopija;
- b) Dokaz o prebivalištu – CIPS prijava ili uvjerenje o kretanju izdato od MUP-a KS;
- c) Dokaz o otvorenom računu kod banke, koji se vodi na djelatnosti prijavitelja;
- d) Uvjerenje poreske uprave o uposlenim radnicima (Lista osiguranih uposlenika);
- e) Drugu dokumentaciju kao dokaz bodovanja u prijavnom obrascu.

Prijavni obrazac možete preuzeti na slijedećem linku: <http://www.centar.ba/stranica/javni-pozivi-konkursi-i-oglasi>

#### V NAČIN I ROK PODNOŠENJA ZAHTJEVA

Zahtjevi – prijave se podnose u zatvorenoj koverti direktno na protokol Općine Centar ili preporučeno putem pošte na adresu:

**Općina Centar Sarajevo**  
**Služba za finansije, privredu i LER**  
**Mis Irbina 1**  
**71000 Sarajevo**

**Javni poziv za dodjelu bespovratnih finansijskih sredstava namijenjenih podršci fizičkim licima koji obavljaju samostalne djelatnosti na području Općine Centar Sarajevo, a pogođeni su mjerama i odlukama za ublažavanje posljedica izazvanih pojavom COVID-19 virusa**  
**„NE OTVARAJ“ – Lot 1 ili Lot 2**

Na poledini koverta obavezno se navodi: ime i prezime podnosioca zahtjeva, adresa i kontakt telefon, te se ovjerava pečatom.

Javni poziv otvoren je do 05.06.2020. godine. Zahtjevi – prijave primljene nakon isteka roka neće biti razmatrani.

Prispjela dokumentacija se ne vraća podnosiocu prijave.

Sve dodatne informacije vezane za Javni poziv mogu se dobiti svakim radnim danom putem telefona: 033/562-468 i 033/ 562-347.